



KABINET DIREKTORA

Broj: 01-02-2-765/11
Banja Luka, 30.03.2011. godine

Na osnovu člana 15. Zakona o Upravi za indirektno - neizravno oporezivanje ("Službeni glasnik BiH", br. 89/05) i člana 57. Zakona o carinskoj politici Bosne i Hercegovine ("Službeni glasnik BiH", br. 57/04, 51/06, 93/08 i 54/09), direktor Uprave za indirektno - neizravno oporezivanje, d o n o s i

N A R E D B U o nadležnosti carinskih ispostava za carinjenje određenih roba

- Uvoz** robe namijenjene za daljnju prodaju iz sljedećih glava važeće Carinske tarife BiH: 33, 34, 38, 42, 43, 50-66, 90-97, bez obzira na zemlju izvoznicu, porijeklom iz zemalja sa kojima Bosna i Hercegovina nema potpisan Ugovor o slobodnoj trgovini, niti se drugim međunarodnim aktima obavezala na principe slobodne trgovine, niti joj je jednostrano odobren preferencijalni tretman u trgovini, prijavljuju se za carinski postupak **u carinskoj ispostavi, koja organizaciono pripada Regionalnom centru na čijem poručju uvoznik ima sjedište, i to: CI Banja Luka, CI Tuzla, CI Sarajevo ili CI Mostar.** Naredba se ne odnosi na zemlje sa kojima Bosna i Hercegovina ima potpisan Ugovor o slobodnoj trgovini ili se drugim međunarodnim aktima obavezala na principe slobodne trgovine, ili joj je jednostrano odobren preferencijalni tretman u trgovini, a to su:
 - zemlje EU (Belgija, Francuska, Njemačka, Italija, Luksemburg, Holandija, Danska, Irska, Velika Britanija, Grčka, Portugal, Španija, Austrija, Finska, Švedska, Češka, Estonija, Kipar, Latvija, Litva, Mađarska, Malta, Poljska, Slovačka, Slovenija, Bugarska, Rumunija)
 - zemlje EFTA-e (Švicarska, Norveška, Lihtenštajn, Island)
 - zemlje CEFTA-e (Srbija, Hrvatska, Makedonija, Moldavija, Crna Gora, Albanija, UMNIK)
 - Turska
 - Iran
 - zemlje EUROMED-a (neevropske zemlje: Alžir, Egipat, Maroko, Libija, Tunis, Sirija, Liban, Jordan, Izrael, Palestina)
 - odobren jednostrani preferencijal (SAD, Kanada, Rusija, Japan, Australija).
- Roba navedena u tački 1. ove naredbe, prilikom ulaska u carinsko područje BiH obavezno se vagaju na graničnim prijelazima (referatima) na kojima su instalirane kolske vage, nakon čega se vozaču daje vagačka kartica koju je obavezan prezentovati prilikom carinjenja u carinskim ispostavama iz tačke 1. ove naredbe.
- Carinska ispostava iz tačke 1. ove naredbe u koju je upućena roba sa graničnog prijelaza (referata) na kojem nije instalirana kolska vaga, izvršit će vaganje te robe.

4. Ukoliko se radi o kombinovanim pošiljkama koje, pored robe iz tačke 1. ove naredbe, sadrže i drugu robu, granični prijelazi (referati) će istu upućivati u carinske ispostave iz tačke 1. naredbe.
5. U toku vođenja carinskog postupka u carinskim ispostavama iz tačke 1, ove naredbe posebnu pažnju posveti detaljnom fizičkom pregledu robe i dokumentarnom pregledu priložene neophodne dokumentacije (posebno u pogledu prikazane cijene u fakturi, pariteta isporuke, visine transportnih troškova, porijekla robe).
6. Roba iz tačke 1. ove naredbe koja je namijenjena smještaju u carinsko skladište, slobodnu zonu ili za unutrašnju obradu (o čemu uvoznik mora dati pisanu izjavu na graničnom prijelazu) upućuje se u prijavni carinski ured naveden u odobrenju za postupak koji je u pitanju, odnosno nadzornom carinskom organu za slobodnu zonu, a carinska prijava za razduživanje tog postupka podnosi se otpusnoj carinskoj ispostavi navedenoj za postupak koji je u pitanju, odnosno carinskom organu nadzornom za slobodnu zonu. Na te robe se, također, primjenjuju ostale mjere carinskog nadzora određene ovom naredbom.
7. Ova naredba se ne odnosi na robe koje putnici nose sa sobom za svoje lične potrebe, potrebe svog domaćinstva i na robe namijenjene za poklone koje nemaju komercijalni karakter.
8. Zadužuju se šefovi carinskih ispostava iz tačke 1. i tačke 6. ove naredbe da, svakog 1. i 15. u mjesecu, dostavljaju Grupi za carinsku tarifu i vrijednost pripadajućeg regionalnog centra, tabelarni prikaz u elektronskoj formi, kako slijedi:

Carinska ispostava: _____

Pravni osnov za korekciju: _____

Broj carinske prijave: C- _____

Datum prijave: _____

Uvoznik: _____

R/br	Tarifna oznaka [10 cifara]	Trgovački naziv robe iz fakture	Zemlja porijekla [oznaka zemlje]	Jedinica mjere prema CT BiH	Količina u jedinici mjere	Prijavljena jedinična cijena [KM]	Utvrđena jedinična cijena [KM]
1	2	3	4	5	6	7	8

Za robe iz tačke 1. i tačke 6. ove naredbe za koje je prihvaćena prijavljena vrijednost (prihvaćena je faktura), carinske ispostave će, svakog 1. i 15. u mjesecu, Grupi za carinsku tarifu i vrijednost pripadajućeg regionalnog centra, dostaviti spisak prihvaćenih carinskih prijava u elektronskoj formi, prema sljedećem tabelarnom prikazu:

R/br	Carinska ispostava	Broj carinske prijave	Datum prijave
1	2	3	4

Svi tabelarni prikazi se dostavljaju u elektronskom formatu (MS Excel).

Carinske ispostave će posebno voditi evidenciju prihvaćenih faktura (arhivirati ih na jedno mjesto) za robe iz tačke 1. ove naredbe, te obavezno, ukoliko to bude traženo, razmijeniti podatke (dostaviti kopije faktura) sa drugim carinskim ispostavama.

9. Ova naredba stupa na snagu danom donošenja.

Dostaviti:

1. Kabinet direktora
2. Regionalnim centrima - Odsjeku za carine
3. Sektorima i Odjeljenjima UINO
5. a/a

V. D. DIREKTOR

mr. sc. MIRO DŽAKULA